

續金華叢書



續金華叢書



文 門



集 潤

表
勵
準



甲春康宗校
子永胡楸鋟

竹澗潘先生文集序

兵左侍贈尚書金華潘公所著有竹澗集古今詩奏議文賦序記銘
狀說引書跋總若干卷其家嗣僉憲君念手澤之存不忍忘敬託吳
郡黃省曾氏校刻以傳一日以成帙授余曰敢勤一言庶觀者有考
焉余受而讀之其詠歌之文感物暢懷論志託興麗以雅矣敷奏之
文獻可替否辨是與非直以斷矣酬應雜著之文因言撰要準理命
詞確以則矣確以則可以訓直以斷可以據麗以雅可以風炳炳烺
烺各極體要公之文其美哉洋洋者乎夫古之君子之於文也矢之
千辭之謂訓典履之于躬之謂德行措之天下之謂事業如以辭而
已者藝也公夙蘊內美以文章取高第讀書中秘迨給事黃門卽首
逆瑾之鋒不少沮挫其經緯之學剛大之氣固已昭信中外旣而晉
陟卿寺厯都臺佐司空本兵柄凡其黼黻庶政庶采者斑斑可紀其
間若平寇之功治河之績尤稱偉暢故至今賴之其文之見于節義
政事者如此是豈可徒求之辭章篇什間已也公之文閎中而肆外

也非耶余雖未及面公說者謂公孝友質直簡靜純慤靡所不學居
常甚和易至臨大事決大疑有不可眩而奪者則知養盛氣完公之
文爲有自矣氣以輔志志以惇履履以綜政政以成文文以名世斯
公之大凡也觀者論世其尙有考于斯云嘉靖辛丑孟秋旣望賜進
士第中順大夫江西按察司副使奉勅提督學校前監察御使東郡
蘇祐拜序

竹澗先生文集卷一

續金華叢書

古今詩

池上卽事

避石斜閒徑臨池小作堂竹陰隨杖履荷氣襲衣裳迴覺紅塵隔寧知白日忙一觴還一詠此樂詎能忘

送劉掌教中和山西校文

月窟秋香近山程暑雨疎諸生瞻使節內府待賢書鑒出驪黃外心傳衣鉢餘晉陽稱自古多士近何如

病中偶述

閉戶東風又一春竹陰庭院靜無塵花枝開好能撩我燕子來頻不避人與酒絕交偏寂寞作詩爲計有吟呻病餘筋力難爲禮拄杖人前自亦嗔

早春聞鳥

庭樹朝來好鳥鳴似聞相喚不知名神機妙處應須玩昨夜春雷送

一聲

喜雨

亢陽當午天欲赤霹靂墮地坤隅坼樓頭颯然風雨來席捲萬瓦飛
黃埃初如絲紛忽如注河翻海立蛟龍怒一洗燁熱清入極頓令枯
槁面顏色東園青可蒞南畝足我糈蟲鳥相和鳴花竹秀以舒吁嗟
物我將無同炎涼燥濕苦樂之感相流通向來困憊一時起渴心灌
漑生歡喜乃知茫茫大造非小兒陰陽推奪故應爾雨餘更愛暮天
碧月華滿院涼於水

題仲兄書齋

先生志在當世者藏脩暫結青山社芳園半畝屋數椽月戶風簷共
瀟灑閉戶却掃門更深抱膝時作南陽吟緇帙推窗自披覽古琴挂
壁誰知音愛花不與花爭地紅白盈階闌明媚拂天脩竹起秋聲捲
露芭蕉滴晴翠坐我終日忘我疲况是兄弟相怡怡清談小笑恣幽
賞不數對牀風雨時笑談未了林月出欲去還留興逾逸及此清光

夜未央題詩素壁傳他日

樗林散人爲巖處士賦

散木豈無用散人何可羈樹來廣莫野看到逍遙時朝市甘拋棄煙
霞足護持高風千載上誰嗣考槃詩

甲子除夜

歲除那可守聊坐小堂寒椒酒春先到梅花興未闌三口明忽滿幾
刻夜將殘泰運回天地清愁謾自寬

淮上哭大行皇帝

乙丑歲

遺詔初聞下九天攀號無及淚潸然憂勤已接二三統怙冒方深十
八年鼎就忽驚龍變化樂終猶想鳳蹠蹠典謨萬世神功在雨露蒼
生獨可憐

曉舟漫興

溽暑逾三伏新涼生五更卧便衾布薄起覺帽紗輕樹擁孤村秀霞
橫極浦明官舟兩月路今日渴心清

訪王主政秉衡不值仍小候

下馬款門門正關主人辰出酉未還三年見我兒童喜一鳥啼春院
落閒竹所徑來原不俗剡溪乘興未容慳斜陽滿地看輝盡更待花
梢月一彎

送董內翰文玉歸娶

鄉閭識我同升日翰苑逢君及第時青鏡朱顏年獨妙蟾宮仙侶喜
相期斑衣著錦光生國玉樹臨風潤照楣此去西湖梅正發好憑征
客寄南枝

湘東曾生隨兄山海關俄歸省親贈此

關海連宵雨湘江萬里雲離情與歸思春絮正紛紛

經筵侍班

便殿春和闕講筵叨陪法從五雲邊迎風縹緲爐烟細映日徘徊寶
扇圓雞舌含香承旨近雉膏推食荷恩偏緝熙聖學微臣願供奉朝
朝力未愆

小齋遣興

窗畔然香枕畔書小齋無事日長初冥心似欲迷莊蝶刮目猶堪校
魯魚役役浮生聊自遣悠悠終古竟何如重門在告經旬閉一任傍
人笑索居

送魯內翰振之使安南

妙選山瀛洲乾坤此勝遊節辭金殿曉詔下珥江秋日月開王政文
章炳帝猷過門江漢路戲綵一停舟

賦秋海棠次馬中舍文明韻

自是東風第一流不隨桃李弄春柔駐顏誰與傳丹訣傾國天留艷
素秋清極傳霜肌不粟睡來侵月影還幽沈香亭畔如曾見莫道楊
妃得與儔

送陳經府廷盛之河間

少年文采動時髦老去功名信所遭千里不須嗟驥櫪一官聊復試
牛刀行經易水秋風冷吟對瀛臺海月高兩地相望俱是客緬思鄉

社共松濤

丁卯春苦雪次陶掌科世和韻

頑陰春不退急雪日爭飛
竟夕明通牖乘風暗入幃
不成宜麥瑞空假却蝗威
漫擁袁安戶偏沾東郭衣
爨調吾道拙斟唱此心違
挾纈何當喜重裘幸免譏
耽詩應益瘦多病故難肥
擬訂梅花約山陰訪釣磯

書懷次李內翰宗易韻

兩月東風凍未除手皴非
乏豹爲祛江鄉舊社思
浮蟻賓館流年愧食魚
夢逐盧生成底事方鈔
陸氏有新書瀛洲仙侶
勞相念幾度詩來伏枕餘

柳岸二首

岸柳綠絲絲春風不斷吹
昨來誰此別留得折殘枝
湖上綠煙絲迎風不自持
別離無意管解鬪好腰肢

安山閘與薛掌科子純陳侍御廷祿酌柳下

柳岸追涼偶共來一罇分坐綠陰隈
歌聲欲徹雲中去眼望眞從天際
回客路光陰三日阻詩家花鳥二公裁
安山此集成佳會莫訝河枯閤未開

南旺夜酌呈薛掌科

月色波光滿畫船一罇相對且留連
與君萬里歸來日却憶今宵作去年

夜抵沛縣懷沾頭章水部以道

孤舟盡日柳邊撐尙隔煙波十里程
篷底一燈聽雨落枕邊三鼓盼天明
笑談可待還當別身世無憑忽自驚
欲假詩筒報消息曲江幽夢恐先成

曉發清河

破曉發孤艇春和風不驚推蓬烟樹濕
盪漿浪花明野色入淮迴河流帶濟
清江湖萬里去獨抱古人情

京口卽事

行盡東風愛日長
京江風日似錢塘
望知酒旆心先醉
吟對花枝句亦香
浪裏金山妨短屐
雲邊鐵盃倚危檣
長安到此三千里
更擬揚舲過楚湘

過玉山書懷

一別長安路五千
幾回雲裏望青天
山從絕頂朝驅馬
水向高原夜放船
蒲艾漸香臨午日
風霜飽歷任流年
本來帶得烟霞疾
歌入滄浪意惘然

湖上叟

夕陽湖上叟
短褐意悠哉
放犢看兒戲
打魚携婦來
茅簷和土覆
竹牖傍雲開
萬里懷鄉客
行歌首重回

南昌道中

客子去何適
鳩聲斷復啼
陰晴五月半
天地大江西
水遠湘流合
山重嶺嶠迷
向來弧矢意
不敢憚航梯

客夜獨酌

爲客有長夜出門無故人多情千里月送此一杯春大夢難醒世虛
舟不定身頽然倚篷底猶自憶垂綸

夏夜

夏夜苦諠濁散步青山岡顧瞻闕無人明月流清光繫舟楊柳根移
牀松桂傍默默坐復起仰天夜未央咄此萬里身顧影徒彷徨水蛙
聒靡厭草蟲鳴暗傷蛙蟲詎足怪蛇虺未可量銀河淡欲沒露下涼
沾裳且復歸我舟濯足臨滄浪

題袁州分司壁

槐陰栢影几屏間倒映池盆石假山深院無塵人罕到蒼苔有跡鳥
初還薰風幸解吾民愠客子聊乘此日間向晚詩成誰和者粉牆題
處墨斑斑

萍鄉馬上

山銜斜日澹餘暉匹馬迢遙歷翠微雨過不知三伏在風來那得一
塵飛春殘水碓香粳熟灌足溪田老芋肥物色滿前吟未已又逢橫

笛牧童歸

泊湘東

殘暑侵陵困未蘇，短篷閒倚欲長吁。
不聞更漏憐村僻，漸轉星河見夜徂。
萬里瀟湘梧葉落，百年天地野航孤。
思尊賸有秋風興，未卜歸途是坦途。

時虞逆
瑾見害

湘潭慶霞寺

野寺荆蘿入荒涼，歲月深偶尋避暑處。
一洗入禪心，共坐僧閒語。眠聽鳥細吟，出門仍理棹。
落日半川陰。

長沙秋日

六月長沙早見秋，涼風吹雨暮飈飈。
不憂卑濕能爲患，稍喜炎蒸欲解讐。
賈傅廟荒侵薜荔，屈原沙冷叫鈞輶。
南來未覺江湖遠，對此令人動別愁。

長沙分司竹桂橘三植皆南州高品感而有作三首

兩竿蒼玉何年植，瀟灑當軒伴寂寥。
終日看來吟不足，有時倚處醉

微銷影垂月下湘君佩聲咽風前秦女簫彷彿故園池上見不知身在五湖遙

搖落方同楚客傷崢嶸一樹好秋光誰從月窟移仙種獨把天香殿
眾芳玉露濯枝叢淺碧金丹點蓋破輕黃廣寒記得曾攀折屈指于
今已十霜

青青江橘映秋堂浥露含風亦自香行處尋常供獨玩霜前三百莫
輕嘗風流雅稱離騷頌品味珍收本草方寄語湘靈須愛護待充庖
貢入明光

山行東劉侍御克溫

兩日山行罷詠詩不知詩句賸相隨曉鴻摩月悲鳴處秋葉吟風欲
墮時萬里羊腸諸客况百年犬齒敢吾私聯鑣幸有劉公幹倡和時
時妙色絲

龍陽道中

山城百里道多半在茗薺岫濕含雲氣崖香長藥苗野田荒作路古